



MEMORIA 2016

LARROTXENE
KULTUR ETXEA



LARROTXENE

Kultur Etxea



Kalebegiak proiektuko kideak



Lagunekin kantari: Antxon Valverde

Larrotxene Kultur Etxea **bideo ekoizpenean erreferentea** da hirian, eta atal honetan azpimarratzekoa da bideo langintzaren aparteko gorakada; urtetik urtera gero eta nabariagoa.

XXVIII. Bideoaldia izan zen 2016koa. Larrotxenek hiriko erdialdera Bideoaldia eramateko apustuari jarraipena eman zion, eta horrela, Antzoki Zaharrean Larrotxeneko ikastaroetan egindako hamaika produkzio eta beste hainbat koprodukzio ikusteko aukera izan zen. Ekainean izan zen hori eta irailean, berriz, tartetxoan egin zitzaion Trueban, urtero legez, Donostiako 64. Zinemaldiaren barneko programazioaren baitan. 2016an 110 material lagapen egin ditu Larrotxenek, aurreko urtean halako bi, eta dagoeneko 700 jarraitzaile ditu facebooken.

Bideo ikastaroek oso harrera izan zuten, ikasle kopuruak gora egin baitzuten eta egindako lanen emaitzak oso onak izan baitziren. Horren isla izan ziren 39. Lekeitioko Zine Bileran lortutako sariak, izan ere, Lekeition eman ohi diren 12 sarietatik 6 lortu zituzten Larrotxeneko ikasleek: amateur sailean **Koldo Garcia** eta **Maite Bidarteren Karta Astrala** lanak lortu zituzten Film eta Gidoi Onenaren Sariak; **Felipe Ugartek** berriz, Zuzendaritza Onenaren Saria jaso zuen **Hasiera** izeneko filmarengatik; eta **Joxean**

Coyak, azkenik, Ekoizpen Onenaren Saria **Korronteari aurre. Euskal Balezaleak Islandian** lanari esker.

Baina, dudarik gabe, aipamen berezia **Kalebegiak** proiektuak merezi du. Larrotxenen sorturiko filma da, gidoigintzako irakasle Michel Gaztanbideren eskutik. Kalebegiak proiektuko 12 film laburretan ikusentzunezkoen arloan diharduten hainbat profesionalekin elkar ziren Larrotxeneko ikasleak; dudarik gabe, proiektuaren arima izan zirenak. Estreinaldia Donostiako Belodromoan izan zen 3.500 ikusleren aurrean.

Eta, bideo arloa alde batera utzi aurretik, **Musikene** Goi Musika Eskolarekin Larrotxenek duen harremana aipatu behar, 2016an ere Larrotxenen sortutako film laburren **soinu-bandak** konposatu baitzituzten eskolako ikasleek. Bestetik, Olatu Talka jaialdiaren



Bideoaldia



Lagunekin kantari: Pantxix Bidarte

barruan prestaturiko **bideo pilulak** lan benetan interesgarria izan zen.

Baina, bideoaz gain, Larrotxeneri izaera berezia ematen dioten hainbat jarduera badira, horien artean aipagarriena **Lagunekin Kantari**. Auzotik bertatik sortutako egitasmo arrakastatsua da, kantuzaleen urteroko elkargune. 2016an **Pantxix Bidarte** eta **Antton Valverde** izan ziren. Emanaldi guztietan bete zen Larrotxene.

Bestelakoan, **liburutegiak** urteroko bisitari kopuruari eutsi zion eta maileguen zerbitzua indartu eta hobetu egin zen. Ikastaroek, oro har, oso harrera ona izan zuten eta haurrentzako liburuen gaineko ekitaldi bereziak antolatu ziren, auzoko hainbat eskoletako ikasleekin lan eginez, eta oso emaitza onak lortuz. Horrez gain, ezin ahaztu hilero antolatu ziren haur antzerkiak, harrera ezin hobea izan baitzuten.



JARDUERAK		
	KOPURUA	ERABILTZAILEAK
GUZTIRA	43	5.173
Antzerkia	8	587
Bideoa	2	444
Musika	5	670
Bilerak eta elkarten ekitaldiak	13	196
Areto alokairuak	1	180
Liburutegiko jarduerak	13	3.091
Besteak	1	5
ZERBITZUAK		
	KOPURUA	ERABILTZAILEAK
GUZTIRA	81	12.769
Liburutegiko bisitariak		12.663
Bideo tailerra	81	106



Prestakuntza **EMAKUMEAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
2015/16 ikastaroak	3	19	1	4	2	15
2016/17 ikastaroak	12	146	5	76	7	70

Formación **HOMBRES**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
2015/16 ikastaroak	3	21	1	9	2	12
2016/17 ikastaroak	12	60	5	29	7	31

BISITARIAK GUZTIRA: 31.856